

Claret Lopez y Franky Kuiperi cu distincion special pa nan trabaonan den comunidad

ORANJESTAD - Durante un reunion internacional di clubnan regional di distrito E-1 na Caracas, Venezuela diano 18 y 19 di mei, Aruba Lions Club a wordo representa pa Sr. Claret Lopez y Sr. Franky Kuiperi kendenan tin hopi aña trahando na bienestar di e comunidad di Aruba. Como un reconocimiento pa nan valioso trabao desplega, na e Convention District E-1, cu a tuma luga na e conocido centro CCCT, Franky Kuiperi y Claret Lopez a ricibi distincionnan internacional for di autoridadnan di Lions Club.

Ta un placer pa Aruba Lions Club conta cu miembronan cu no solamente ta haci nan maximo esfuerso na

bienestar di e comunidad di Aruba, pero nan trabao duro ta refleha pafo di Aruba y ta un ehempel pa hopi miembro localmente y internacionalmente.

Claret y Franky a wordo scogi for di un grupo di 35 compaño cu a wordo nomina pa un reconocimiento pa Past Governor German Ferreira. Sr. Ferreira a scoge e 35 miembronan for di e mas di 1000 miembro cu tin den e Distrito E-1. E reconocimentonan cu na a ricibi ta wordo presenta den nomber di Presidente Internacional di Lions Club como reconocimiento y muestra di aprecio pa trabaonan excepcionales desplega durante 2010-2011. Aruba Lions Club a ricibi dos di e

15 reconocimentonan otorga.

Director Internacional Carlos Valencia a entrega e distincion "Excellence Award" como Zone Chairman di Zone 1 Distrito E-1 den nomber di Presidente Internacional Sid Scruggs na Franky Kuiperi.

Claret Lopez, e presidente saliente di Aruba Lions Club, a wordo honra cu e "LCI President Excellence Award" pa su trabao desplega durante aña 2011-2012 como presidente. Sr. Lopez a ricibi e reconocimiento for di man di Past Internacional Director Fransisco Fabricio de Oliveira Neto, kende ta candidato pa bira Presidente di Lions Club

Internacional pa 2013-2014.

Aruba Lions Club ta felicita nan Fellow Lion Claret y Fellow Lion Franky cu nan reconocimiento di excelencia, cual ta refleha e dedicacion y perseverancia cu nan a desplega du-

rante 2010-2011.

Ta un gran honor pa Aruba Lions Club por conta cu dos miembro cu a ricibi "Excellence Awards" e aña aki, specialmente si tuma den consideracion cu ta solamente 15 reconocimiento a wordo otorga entre 1000 miembro. □